

REPUBLIKA E SHQIPERISE  
GJYKATA E RRETHIT TIRANE

Nr. \_\_\_\_\_ Akt.

V E N D I M  
PER RREGJISTRIMIN E PERSONIT JURIDIK

Sot me date 4-6- 1996, une gjyqtarja e Gjykates se Rrethit Tirane, M. Rosh si shqyrtova kerkesen dhe materialet e paraqitura nga Ministria e Financave per regjistrimin e shoqerise tregtare: "Guri Gelqeror" Elbasan ne formen e nje shoqerise anonime :

KONSTATOVA SE :

Kerkuesi Ministria e Financave ka paraqitur kerkesen per t'u regjistruar si person juridik shoqerine ne formen e nje shoqerise anonime "Guri Gelqeror" Elbasan me kohezgjatje pa afat te caktuar, me kapital themeltar 160.000.000 leke me aksionist te vetem Ministrine e Financave, me vlere nominale te aksionit 1.000 leke me objekt veprimtarie: Prodhim, tregtim guri gelqeror i fraksionuar.

Dokumentacioni i paraqitur, akti i themelimit, statuti, Urdher Nr.147 date 8.05.1996 i Ministrise se Financave, kerkese per miratim eksperti jane te plote dhe te bazuar ne ligj dhe si te tille duhet te pranohen.

PER KETO ARSYE :

Ne baze te Ligjit Nr.7638, date 19.11.1992 "Per shoqerite Tregtare", si dhe nenit 33 ligjit Nr. 7667, date 28.01.1993 Per regjistrin tregtar dhe formalitetet qe duhen plotesuar ne te".

V E N D O S A

Rregjistrimin si person juridik te shoqerise anonime "Guri Gelqeror" Elbasan me kohezgjatje pa afat te caktuar me kapital themeltar 160.000.000 leke me aksionist te vetem Ministrine e Financave, me vlere nominale te aksionit 1.000 leke dhe me objekt veprimtarie: Prodhim, tregtim gure gelqeror. Selia e shoqerise eshte ne Elbasan.

Keshilli Mbikqyres perbehet nga :

1. Kadri Çopja
2. Suzana Kالمي
3. Ilir Cabeli

Kunder vendimit lejohet ankim ne shkalle te dyte.

Tirane, me 4.6-1996

GJYQTARE  
*Magnum* *Debi*  
*IVI* *Debi*

## **AKT THEMELIMI I SHOQERISE ANONIME**

Ne Tirane, sot me date \_\_\_\_\_, Ministria e Financave, ne baze te ligjit Nr.7926,date 20.04.1995 "Per transformimin e ndermarrjeve shteterore ne shoqeri tregtare" Ministri i Financave, vendosi :

1. Te krijohet shoqerine anonime "Guri Gelqeror"Elbasan.

2. Objekti i veprimtarise se shoqerise do te jete: Prodhim tregtim guri gelqeror i fraksionuar.

Shoqeria do te kete seline e saj ne Elbasan dhe ajo mund te çele dege, filiale, agjensi dhe perfaqesi ne te gjithë territorin e Republikës së Shqipërisë dhe me miratimin e organeve kompetente edhe jashte shtetit.

4. Kapitali themeltar i shoqerise eshte 160.000.000 leke, nga kjo vlera e truallit 4.048.400 leke. Nr. i aksioneve 160.000.

5. Shoqeria ka nje kohezgjatje te veprimtarise se saj pa afat te caktuar.

6. Keshilli i pare mbikqyres perbehet nga :

1. Kadri Çopja
2. Suzana Kalemi
3. Ilir Cabeli

7.Ndertimi, organizimi dhe funksionimi i shoqerise rregullohet sipas dispozitave te legjislacionit shqiptar si dhe ne baze te statutit dhe ketij akti themelimi.

8. Shoqeria fillon veprimtarine me nenshkrimin dhe miratimin e dokumentave te saj themelues.

**DREJTORI I DREJTORISE SE SHOQERIVE PUBLIKE**

**BERZH PIRANIAN**



# STATUT

## I SHOQERISE ANONIME

Ne baze te dispozitave te ligjit Nr.7926, date 20.4.1995 "Per transformimin e ndermarrjeve shtetere ne shoqeri tregtare", me autorizim te Ministrit te Financave, Z. Berzh Piranian, Drejtor i Drejtorise te Shoqerive Publike nenshkruan statutin e shoqerise anonime si me poshte :

### Neni 1

Shoqeria anonime formohet nga transformimi i ish ndermarrjes shtetere "Ndermarrja e Gurit Gelqeror"Elbasan.

Shoqeria e krijuar ne kete menyre emerohet Sh.A. "Guri Gelqeror" Elbasan. Selia e shoqerise eshte ne qytetin e Elbasanit.

### Neni 2

Objekti i shoqerise eshte :Prodhim, tregtim guri gelqeror i fraksionuar.

Shoqeria brenda caqeve te parashikuara nga legjislacioni ne fuqi, do te kryeje çdo operacion tregtar dhe financiar qe lidhet drejtperdrejte ose terthorazi me objektin e saj. Kjo perfshin gjithashtu hapjen e veprimtarive te reja, krijimin e siperarrjeve te tjera dhe pjesemarrjen ne siperarrje te tjera si brenda, ashtu edhe jashte vendit.

### Neni 3

#### Kapitali themeltar-aksionet

Kapitali themeltar i shoqerise eshte 160.000.000 leke, nga kjo vlera e truallit 4.048.400 leke. Nr. i aksioneve 160.000.

Vlera nominale e aksionit eshte 1.000 leke.



#### **Neni 4**

##### **Shitja e aksioneve ne rastin e privatizimit.**

Aksionet e shoqerise mund t'u shiten personave fizike e juridike shqiptare vetem ne rastin e nje vendimi te marre nga Ministri i Financave per privatizimin e shoqerise nepermjet bonove te privatizimit dhe/ose lekeve te privatizimit.

Personat e huaj, fizike a juridike, mund te blejne aksione te shoqerise vetem ne rastet dhe ne masen e caktuar nga Ministri i Financave. Shlyerja e aksioneve nga personat e huaj, fizike a juridike, behet vetem me para ose me anen e kontributeve ne natyre per qellime teknologjike.

#### **Neni 5**

##### **Organet drejtuese**

Organet drejtuese te shoqerise jane :

1. Keshilli mbikqyres.
2. Drejtori i pergjithshem

#### **Neni 6**

##### **Keshilli mbikqyres**


I. Keshilli mbikqyres perbehet nga 3 anetare.

Anetaret e keshillit mbikqyres emerohen :

- 2/3 nga Ministri i Financave
- 1/3 nga ARN

II. Kohezgjatja e funksionit te tyre eshte 4 vjet. Anetaret e keshillit mbikqyres jane te gjithë te rizgjedhshem. Ata mund te revokohen nga titullari i organit qe i ka emeruar vetem per shkaqe te perligjura.

III. Anetaret e keshillit mbikqyres jane persona fizike. Ata nuk mund te jene te punesuar ne shoqeri.



IV. Nese nje ose disa vende te anetareve te keshillit te mbikqyrjes mbeten bosh per shkak vdekjeje, shkarkimi ose doreheqjeje, zevendesimi duhet te kryhet jo me vone se tre muaj.

Anetari i keshillit mbikqyres, i emeruar ne zevendesim te nje anetari tjetër, perfundon mandatin e paraardhesit.

V. Anetaret e keshillit mbikqyres nuk mund te bejne pjese ne me shume se tre keshilla mbikqyres te shoqerive anonime qe e kane seline ne territorin e Republikes se Shqiperise.

VI. Anetaret e keshillit mbikqyres te moshes mbi 65 vjeç nuk mund te jene me shume se nje e treta e numrit te pergjithshem ne mbyllje te ushtrimit te çdo viti financiar. Nese kjo perqindje tejkalohet anetari me i moshuar do te konsiderohet i shkarkuar zyrtarisht.

#### **Neni 7**

#### **Kryetari dhe zevendes kryetari i keshillit mbikqyres**

Keshilli mbikqyres zgjedh ndermjet anetareve te tij nje kryetar dhe nje zevendes kryetar, te cilet ngarkohen te mbledhin keshillin dhe te drejtojne diskutimet. Ata emerohen per te gjithë kohen e mandatit te tyre ne keshillin mbikqyres dhe jane te rizgjedhshem.

Keshilli mbikqyres mund te emeruje nje sekretar jashte anetareve te tij.

Ne rast mungese ose pengimi te kryetarit mbledhjet e e keshillit mbikqyres drejtohen nga zevendes kryetari.


#### **Neni 8**

#### **Vendimet e keshillit**

Keshilli mbikqyres mblidhet sa here qe e kerkon interesi i shoqerise, me thirrjen e kryetarit, ose ne mungese te tij, te zevendes kryetarit.

Kryetari duhet te therrase keshillin mbikqyres, brenda pesembedhjete diteve, kur drejtori ose nje e treta e anetareve te keshillit mbikqyres i paraqitin atij nje kerkese te motivuar per kete qellim.

Nese kerkesa mbetet pa pergjigje, atehere autoret e saj mund te therrasin keshillin, duke i permendur rendin e dites.



Ne parim thirrja duhet te behet tre dite perpara, me leter, telegram, teleks ose telefaks. Por ajo mund te behet me goje dhe pa afat ne qofte se anetaret e keshillit mbikqyres e pranojne ate.

Çdo thirrje duhet te tregojë çështjet kryesore te rendit te dites.

Mbledhja e keshillit mbikqyres behet ne seline e shoqerise ose ne çdo vend tjeter te treguar ne thirrje.

II. Keshilli mbikqyres mund te marre nje vendim te vlefshem, ne qofte se jane te pranishem jo me pak se gjysma e anetareve te keshillit.

Vendimet merren me shumice te thjeshte votash te anetareve te pranishem. Ne rast votash te barabarta, ajo e kryetarit eshte percaktuese.

III. Keshilli mbikqyres mban nje regjister te pjesemarrjes ne mbledhjet e tij, i cili nenshkruhet nga anetaret e pranishem ne mbledhje.

IV. Vendimet e keshillit mbikqyres evidencohen me procesverbale te hartuara ne pajtim me dispozitat ligjore ne fuqi, nga kryetari i seances dhe nga nje anetar i keshillit ose, ne mungese te kryetarit, nga jo me pak se dy anetare te keshillit.

Kopjet e ketyre procesverbaleve vertetohen nga kryetari keshillit mbikqyres, zevendes kryetari dhe nga drejtori i pergjithshem.

## Neni 9


### Kompetencat e keshillit mbikqyres

Keshilli mbikqyres ushtron kontroll te perhershëm per administrimin e shoqerise nga drejtori i pergjithshem i saj dhe i jep ketij te fundit autorizimin paraprak per kryerjen e operacioneve qe nuk mund te kryhen nga drejtori i pergjithshem pa autorizimin paraprak te keshillit mbikqyres.

Keshilli mbikqyres emerone drejtorin e pergjithshem.

Ai autorizon marreveshjet e parashikuara ne nenin 13 te ketij statuti.

Ai autorizon drejtorin e pergjithshem te kryeje veprimet dhe te marre masat e parashikuara ne nenin 12 te ketij statuti.



Keshilli mbikqyres ka te drejte te kryeje ne çdo kohe verifikime dhe kontrole qe ai i çmon te pershtatshme, dhe kerkon te njihet me dokumentet qe ai i gjykon te nevojshme per permbushjen e detyres se tij.

Drejtori i paraqet raport keshillit mbikqyres te paktën nje here ne tre muaj.

Brenda tre muajve nga data e mbylles se ushtrimit financiar, drejtori duhet t'i paraqese keshillit mbikqyres llogarite vjetore me qellim verifikimi dhe kontrolli i tyre nga ky i fundit.

Keshilli mbikqyres shqyrton llogarite vjetore dhe raportin vjetor te paraqitur nga drejtori i pergjithshem dhe i paraqit per kete nje raport Drejtorise te Shoqerive Publike.

Keshilli mbikqyres mund t'i ngarkoje njerit ose disa anetareve te tij çdo mandat te posaçem per nje ose disa objekte te caktuara.

#### **Neni 10**

##### **Shperblimi i anetareve te keshillit mbikqyres.**

Shperblimi i anetareve te keshillit mbikqyres do te behet ne perputhje me vendimin e Keshillit te Ministrave Nr.348 date 3.7.1995 "Per keshillat mbikqyres te shoqerive shteterore".

Masa e shperblimit caktohet nga aksionmbajtesi i vetem.

#### **Neni 11**

##### **Drejtori i pergjithshem**

I. Drejtori i pergjithshem emerohet nga keshilli mbikqyres kur per te jane dakord jo me pak se 3/4 e anetareve te ketij keshilli. Ai mund te zgjidhet qofte ndermjet personave te shoqerise, qofte edhe jashte te punesuarve te saj.

Nese nje anetar i keshillit mbikqyres emerohet drejtor, mandati i tij ne keshill merr fund me hyrjen e tij ne funksion.

Nje person nuk mund te emerohet drejtor ne me shume se nje shoqeri.

Drejtori mund te shkarkohet nga keshilli mbikqyres vetem per shkaqe te perligjura. Ne rastin kur i interesuari ka lidhur nje kontrate punesimi me shoqerine, shkarkimi i tij nga funksioni i drejtorit nuk eshte shkak per zgjidhjen e kesaj kontrate.





II. Drejtori emerohet per nje periudhe kohe prej 4 vjetesh. Ne rastet te pushimeve dhe te mungesave te tjera te zgjatura, keshilli mbikqyres ben menjehere zevendesimin e tij.

Drejtori eshte i riemerueshem. Ai nuk mund te jete ne moshen mbi 65 vjec.

Drejtori qe mbush 65 vjec, quhet zyrtarisht i shkarkuar dhe zevendesohet menjehere.

Menyra dhe masa e shperblimit te drejtorit caktohen nga keshilli mbikqyres ne aktin e emerimit te tij.

## **Neni 12** **Kompetencat e drejtorit**

I. Drejtori ka kompetenca te plota ndaj te treteve per te vepruar ne emer te shoqerise ne çfaredo rrethane, me perjashtim te kompetencave qe i jane caktuar shprehimisht keshillit mbikqyres nga ligji dhe nga ky statut.

Ne marredhenie me te tretet shoqeria merr persiper detyrimet qe rrjedhin nga aktet e drejtorit edhe kur keto akte nuk perfshihen ne objektin e shoqerise, pervec rastit kur shoqeria provon se te tretet e dinin qe akti i drejtorit kapercente objektin e shoqerise dhe vepronte me keqbesim, ose kur te tretet nuk mund ta injoronin kete akt, duke pasur parasysh faktin se vete shpallja e statutit nuk eshte prove e mjaftueshme.

Kufizimet e kompetencave te drejtorit te caktuara ne statut duhet te respektohen nga te tretet.

Megjithate, ne cilesine e masave te rregullimeve te brendshme te shoqerise, por qe nuk u kundervihet te treteve, veprimet dhe masat e meposhtme kryhen vetem me autorizim te keshillit mbikqyres:

- percaktimi dhe ndryshimi i programit te veprimtarise afatshkurter,

afatmesem dhe afatgjate te shoqerise;

- kryerja e investimeve dhe financimeve per vitin financiar si dhe masat e tjera qe do te kerkonin ndryshimin e buxhetit fillestar te shoqerise;

- hapja e veprimtarive ose e njesive te reja, shkrirja ose bashkimet dhe mbyllja teresisht a pjeserisht e veprimtarive dhe njesive te shoqerise;



- blerja, shkembimi dhe shitja e pasurive qe perbejne aktivin e qendrueshem te shoqerise;

- themelimi i shoqerive ose pjesemarrja ne shoqeri te tjera te krijuara, ose per t'u krijuar;

- marrja e huave afatmesem, afatgjate, dhenia e dorezaneve ose e garancive te tjera kur keto te fundit tejkalojne veprimtarite e zakonshme te shoqerise;

- ndryshimi i çdo kontrate me afat mbi 3 vjet ose per nje shume detyrimesh vjetore mbi dy milione leke;

- percaktimi i kriterëve per diskutimin, perfundimin dhe ndryshimin e kontrates se punesimit me punonjesit;

- ne pergjithesi marrja e vendimeve dhe masave qe e kapercejne veprimtarine e zakonshme te shoqerise dhe qe jane te tilla qe mund te sjellin ndryshime ne objektin e shoqerise.

II. Drejtori i pergjithshem mund te delegoje nje pjese te kompetencave te tij, qe ai i gjykon te dobishme tek nje ose disa persona te tjere qe kryejne funksione teknike ne drejtimin e shoqerise.

III. Drejtori i pergjithshem perfaqeson shoqerine ne marredhenie me te tretet.


Emerimi dhe pushimi i tij duhet te publikohet ne perputhje me dispozitat ligjore ne fuqi.

Aktet, me te cilat shoqeria merr persiper detyrimet ndaj te treteve, duhet te mbajne nenshkrimin e drejtorit te pergjithshem, ose te personit te autorizuar rregullisht nga drejtori per keto akte.

### **Neni 13**

#### **Marreveshjet ndermjet shoqerise dhe drejtorit ose nje anetari te keshillit mbikqyres**

Çdo marreveshje ndermjet shoqerise dhe drejtorit te pergjithshem ose nje anetari te keshillit mbikqyres, qofte e drejtperdrejte ose jo e drejtperdrejte, duhet t'i nenshtrohet autorizimit paraprak te keshillit mbikqyres.



7

Kjo dispozite eshte e zbatueshme edhe per marreveshjet ndermjet shoqerise dhe nje shoqerie tjetere, kur nje anetar i keshillit mbikqyres eshte edhe anetar i keshillit mbikqyres te shoqerise tjetere, me te cilen propozohet te lidhet marreveshja.

Dispozitat e mesiperme nuk jane te zbatueshme per marreveshjet qe kane te bejne me veprimet rrjedhese te shoqerise qe kryhen ne kushtet normale.

Drejtori ose anetari i keshillit mbikqyres i interesuar duhet te njoftoje keshillin mbikqyres sapo merr dijene per nje marreveshje, per te cilen zbatohen kerkesat e ketij neni te statutit. Anetari i keshillit mbikqyres i interesuar nuk merr pjese ne votimin per dhenien e autorizimit.

#### **Neni 14**

#### **Eksperti kontabel i autorizuar**

Kontrolli ushtrohet nga nje ose dy eksperte kontabel te autorizuar, te cilet emerohen nga aksionmbajtesi i vetem dhe qe kryejne misionin e tyre ne pajtim me ligjin.

#### **Neni 15**

#### **Ushtrimi financiar**

Ushtrimi financiar fillon me 1 janar dhe mbaron me 31 dhjetor te çdo viti.

Perjashtimisht ushtrimi i pare financiar perfshin kohen nga data e regjistrimit ne regjistrin tregtar gjer me 31 dhjetor.

#### **Neni 16**

#### **Inventari-llogarite vjetore**

Shoqeria do te mbaje nje kontabilitet te rregullt te pasurise dhe te veprimtarise se saj, ne pajtim me kerkesat ligjore.

Ne mbyllje te ushtrimit, drejtori harton inventarin e pasurise ne kete date dhe llogarite vjetore per ushtrimin financiar.

Drejtori pergatit gjithashtu edhe raportin e administrimit per gjendjen e shoqerise gjate ushtrimit financiar te kaluar, ndryshimet e parashikuara per te ardhmen, ngjarjet me te rendesishme qe kane ndodhur gjate periudhes nga data e



mbylljes te ushtrimit financiar deri ne daten e hartimit te ketij raporti, si dhe veprimtarite e shoqerise ne fushen kerkimore-shkencore.

### Neni 17

#### Rezultati i ushtrimit dhe caktimi i fitimeve

Rezultati i ushtrimit percaktohet si difference ndermjet te ardhurave dhe shpenzimeve te ushtrimit, duke perfshire te keto te fundit amortizimet dhe provizionet.

Nga fitimet e ushtrimit te pakesuara, kur eshte rasti, me humbjet e meparshme, hiqen te pakten 5 per qind per te krijuar rezerven e domosdoshme.

Heqja nga fitimet per rezerven e domosdoshme pushon se qeni e detyrueshme kur kjo rezerve arrin nje te dhjeten e kapitalit themeltar. Ajo rifillon kur per nje arsye cfardo, rezerva e domosdoshme ka zbritur nen nje te dhjeten e kapitalit.


Nga fitimet e ushtrimit te pakesuar, kur eshte rasti, me humbjet e meparshme, shoqeria do te heqe jo me shume se 85 per qind per krijimin e rezerves per zhvillim.

Shuma e fitimeve te mbetura pas heqjeve per krijimin e rezervave te permendura me siper perfaqeson dividendin, i cili derdhet ne buxhetin e shtetit.

Duke perjashtuar rastin kur eshte vendosur zvogelimi i kapitalit, nga fitimet e ushtrimit nuk behet asnje heqje dhe asnje derdhje dividenti, ne qofte se kapitalet e veta jane ose do te beheshin me te vogla se shuma e kapitalit themeltar plus shumen minimale te kerkuar per rezerven e domosdoshme.

Ne qofte se ekziston nje humbje, kjo mbartet per t'u perfshire ne fitimet e ushtrimeve te ardhshme deri ne shuarjen e saj.

Caktimi (shperndarja) e fitimeve dhe menyra e mbulimit te humbjeve behen me vendim te Ministrit te Financave me cilesine e tij si aksionmbajtes i vetem ne shoqeri.



### Neni 18

**Emerimi i anetareve te pare te Keshillit Mbikqyres.**  
Si anetare te pare te Keshillit Mbikqyres emerohen :

- |                 |                   |
|-----------------|-------------------|
| 1.Kadri Çopja   | banues ne Elbasan |
| 2.Suzana Kalemi | banues ne Tirane  |
| 3.Illir Cabeli  | banues ne Tirane  |

### Neni 19

Te gjitha atributet e asamblese se pergjithshme te parashikuara nga ligji Nr.7638 date 19.11.1992 qe nuk jane shprehur ne kete statut do te ushtrohen nga Ministri i Financave me cilesine e aksionmbajtesit te shtetit ne shoqeri.

### Neni 20

**Emerimi dhe shkarkimi i drejtorit te pare**

Ne nje afat prej 6 muajsh nga data e regjistrimit te shoqerise drejtori i ish ndermarrjes shteterore do te jete i emeruar zyrtarisht Drejtor i pergjithshem i Shoqerise dhe do te jete pergjegjes per ruajtjen e pasurise te saj.

Gjate ketij afati ai mund te shkarkohet vetem nga Ministri i Financave dhe per shkaqe te perligjura mbi bazen e propozimeve te Drejtorise te Shoqerive Publike ose te Keshillit Mbikqyres te Shoqerise.

Hartuar ne Tirane me \_\_\_\_\_ ne 6 kopje te njejta.

**DREJTORI I DREJTORISE TE SHOQERIVE PUBLIKE**

